

# W měsce měli bóle ze sobu řečec

Wo tym řečec, što člowjekej džensniši džen pod nochćemi pali, njeje kóždemu Budyšanej lochko. Runje tohodla bě zapósłanča zwjazkowego sejma Marja Michałkowa (CDU) jako přinošk k Budyškim tydženjam demokratije minjeny štwórtik ludźi ze susodstwa swojeho bėrowa na wólnu rozmołwu z kofejom a tykancom přeprošyła.

**Budyšin** (SN/at). Přihotowane městna běchu wšitke wobsadźene a starosće tam zhromadźenych jara rozdźelne. „Čehodla boja so zamołwići wěrnosće? To dopomni mje na lěto 1989“, rjekny starša Budyšanka. Wona bě zarjadowani ze sakskimaj ministromaj Markusom Ulbigom (CDU) a Petru Köpping (SPD) w zwisku z krizu čėkancow dla wopytała a měješe začišć, zo politikarkej ludnosći něšto zamjelčıtaj. Jej dotal nihtó prajił njeje, zwotkel su pjenjezy za zaměstnjenje čėkancow. Wšako je jenož řeč wo trėbnej zlutniwosći a tuž wobmjezowanych móžnosćach, zo móhli na přikład komuny palace njedostatki wotstronić. Zapósłanča rozložı, čehodla měješe po wulkej financnej krizy lěta 2008 zlutniwosć

w Zwjazku, krajach a komunach najwyšu prioritu. Srědki za zaměstnjenje čėkancow pak njejsu druhdze šmórnyli. Džakowano dobremu hospodarskemu połoženju a z toho wužórlacym dawkowym dochodam běchu loni pjenjezy za čėkancow zaručene. To pak měto so ludnosći jasnje rjec, mějachu přıtomni.

„Što čınıš přećıwo grafitijam?“, chcyše sam potrjecheny mějıcel domskeho wėdźec. Wospjet bě scěna jeho domu z grafitijemi popryskana. Wón bě so přećıwo tajkim móránjam zawěsćıl, po přınım škodowym padže pak zawěsćernja zrěčenje wupowědži. Što město w tajkich padach čını? Budyšan pak so tež mjerza, zo njeskıci schodžišćo wot Jerjoweje k Michałskej cyrkwi najlěpsi napohlad. Njerjad tam leži a nihtó pječa za čıstotu přıstusny njeje. Pódlu njeho sedzaca dosć angažowana žona jemu poruči, wšıtko tak čorne njewıdźec. Namjetowaše jemu, zhromadnje schody wurjedzıć. Njeh wón choćı sobu přınese.

Rozmołwa ze zapósłanču wujewı, zo je tež w měsce trjeba so za něšto zamołwıty čuć. „Měli tu wjele bóle ze sobu řečec“, bě facıt Marje Michałkoweje.